

p. 137 L. 3+4 **【風吹散華、眾寶蓮華】** 詳見《無量壽經會集本》〈德風華雨第二十〉、〈寶蓮佛光第二十一〉。《彌陀經》云：「晝夜六時雨天曼陀羅華，其土眾生常於清旦，各以衣祴，盛眾妙華，供養他方十萬億佛。」是以雨華，乃為眾生以之供佛，廣種福田也。《阿彌陀經疏鈔》卷3：「**【疏】稱理。則自性開覺。是華義。**【鈔】自性在迷。如華尚蕊。自性忽悟。如華正開。又妙色煥爛。不繪而成。妙香馥郁。不行而至。華雨自空不種而生。不採而下。自性神靈通達。亦復如是。」(X22, p. 644, c19-22)

p. 137 L. 6 **【曄<sup>ㄉ</sup>曄<sup>ㄉ</sup> 煥爛】**「曄曄」：1. 光彩奪目貌。2. 顯赫貌；顯耀貌。「煥爛」：猶燦爛。光耀燦爛；文彩斑斕。—《漢語大詞典》

p. 138 L. 4 **【光明慧用】** 彌陀本願：我作佛時，光明無量，普照十方，絕勝諸佛，勝於日月之明，千萬億倍。若有眾生，見我光明，照觸其身，莫不安樂，慈心作善，來生我國。若不爾者，不取正覺。（十三、光明無量願。十四、觸光安樂願。）《無量壽經會集本》〈光明徧照第十二〉：「如是光明，普照十方一切世界。其有眾生遇斯光者，垢滅善生，身意柔軟。若在三途極苦之處，見此光明，皆得休息。命終皆得解脫。若有眾生，聞其光明，威神功德，日夜稱說，至心不斷，隨意所願，得生其國。」

p. 138 L. -2 **【國土名字為佛事】** 大師意以國土名字為「妙聲」。十七、諸佛稱歎願：我作佛時，十方世界無量剎中無數諸佛，若不共稱嘆我名，說我功德國土之善者，不取正覺。**【名字為佛事】**《維摩詰所說經》卷2〈7 觀眾生品〉：天女散花，舍利弗答天女：「解脫者無所言說，天曰：言說文字，皆解脫相。所以者何？解脫者，不內、不外，不在兩間，文字亦不內不外，不在兩間。是故，舍利弗！無離文字說解脫也。所以者何？一切諸法是解脫相。」(T14, p. 548, a11-15) 智顓《維摩經文疏》卷24：「天言所以者何？解脫者。不內不外不在兩間。文字。亦不內不外不在兩間。所以然者？名本召體。體即是法。法若是內是外兩間。名亦在內在外兩間。今求體法不可得。無內外兩間。求名亦不可得。無內外兩間。即是解脫。豈得離文字方名解脫。又解脫。諸法無體。但有名。名若不可得。即是解脫相。此即是顯出不思議解脫相。異思議解脫相。明二種解脫相之隔別。意在此也。」(X18, p. 655, a9-17) 《妙法蓮華經》卷6〈19 法師功德品〉：「以是清淨意根，乃至聞一偈一句，通達無量無邊之義，解是義已，能演說一句一偈至於一月、四月乃至一歲，諸所說法，隨其義趣，皆與實相不相違背。若說俗間經書、治世語言、資生業等，皆順正法。三千大千世界

六趣眾生，心之所行、心所動作、心所戲論，皆悉知之。雖未得無漏智慧，而其意根、清淨如此。是人有所思惟、籌量、言說，皆是佛法，無不真實，亦是先佛經中所說。」(T09, p. 50, a20-29)

p. 139 L. 5【**不朽藥**】《大般涅槃經》卷 25〈10 光明遍照高貴德王菩薩品〉：「善男子！雪山之中有上香藥，名曰娑呵。有人見之，得壽無量，無有病苦，雖有四毒不能中傷；若有觸者，增長壽命滿百二十；若有念者得宿命智。何以故？藥勢力故。諸佛菩薩亦復如是，若有見者，即得斷除一切煩惱，雖有四魔不能干亂；若有觸者命不可夭、不生不死、不退不沒。所謂觸者，若在佛邊聽受妙法。若有念者，得阿耨多羅三藐三菩提。以是義故，諸佛菩薩名善知識。」(T12, p. 511, c1-9)

p. 139 L. -2【**菩提種子畢竟不朽**】卅五、一生補處願。卅六、教化隨意願：我作佛時，所有眾生，生我國者，究竟必至一生補處。除其本願，為眾生故，被弘誓鎧，教化一切有情，皆發信心，修菩提行，行普賢道。雖生他方世界，永離惡趣。或樂說法，或樂聽法，或現神足，隨意修習，無不圓滿。若不爾者，不取正覺。《無量壽經》〈願力宏深第 29〉：「彼佛剎中，所有現在、未來一切菩薩，皆當究竟一生補處。唯除大願，入生死界，為度群生，作師子吼。擐大甲冑，以宏誓功德而自莊嚴。雖生五濁惡世，示現同彼。直至成佛，不受惡趣。生生之處，常識宿命。」據舊《華嚴經》卷 26〈十地品 22〉，菩薩有「十種自在」，其中：(4)業自在，謂菩薩能隨俗業應時示現，受諸果報而自在無礙，於諸業得大自在。(5)生自在，又作受生自在。謂菩薩自在受生於一切國土。現今乃依彌陀大願加持故，極樂人天雖無菩薩境界，亦能有此業自在、生自在，真不可思議也。

p. 140 L. 1【**淨華眾**】元曉《阿彌陀經疏》卷 1：「淨華眾者，謂得七種淨華之眾。何等為七？一者、戒淨；二者、心淨；三者、見淨；四、度疑淨；五、道非道知見淨；六、行知見淨；七、行斷知見淨。於中廣說出《瑜伽論》。有此七種淨華之眾，從佛正覺華中化生也。」(T37, p. 349, c12-16)【**佛正覺華**】念佛三昧也。

p. 141 L. 4【**身為苦器。心為惱端**】《大寶積經》卷 96：「世尊說此偈已，復告五百諸長者言：「若諸菩薩發勝志樂趣於阿耨多羅三藐三菩提者，應觀此身四十四種。何等名為四十四種？一者此身可厭，性無和合故…三十六者身為苦器，苦所逼故，三十七者身為苦聚，五蘊生故，三十八者身為無主，眾緣生故…

四十四者身為欺誑，如影像故。是為四十四種。菩薩作是觀時，所有身命愛欲執著，妻子舍宅飲食衣服、車乘香鬘一切樂具，皆悉厭離無所顧戀，速能成就六波羅蜜，疾得阿耨多羅三藐三菩提。」(T11, p. 541, b9-c17)

p. 141 L. 5【受樂無間】二十九、住正定聚願。卅、樂如漏盡願。卅一、不貪計身願：所有眾生，生我國者，皆同一心，住於定聚。永離熱惱，心得清涼。所受快樂，猶如漏盡比丘。若起想念，貪計身者，不取正覺。

p. 141 L. -1【無三體】太虛《往生淨土論講要》：「所言極樂世界無有二乘、女人、根缺之三種譏嫌，是就淨土行者已得生淨土之果報上講；非謂因中二乘、女人、根缺不能修淨土也。二、等者、平等一相故者，此即解已得淨土果報所以無二乘、女人、根缺諸相之義。謂生極樂者，於九品往生中雖有下品往生為凡夫，中品往生為二乘等之別，一生極樂則其身相平等，同為大乘菩薩之相，故無二乘、女人等相。」此與善導大師《四帖疏》同意。

p. 142 L. 2【足指按地】《維摩詰所說經》卷 1〈1 佛國品〉：「舍利弗言：「我見此土丘陵坑坎、荊棘沙礫、土石諸山、穢惡充滿。」螺髻梵王言：「仁者心有高下，不依佛慧，故見此土為不淨耳！舍利弗！菩薩於一切眾生，悉皆平等，深心清淨，依佛智慧，則能見此佛土清淨。」於是佛以足指按地，即時三千大千世界，若干百千珍寶嚴飾，譬如寶莊嚴佛，無量功德寶莊嚴土，一切大眾歎未曾有！而皆自見坐寶蓮華。佛告舍利弗：「汝且觀是佛土嚴淨？」舍利弗言：「唯然，世尊！本所不見，本所不聞，今佛國土嚴淨悉現。」佛語舍利弗：「我佛國土常淨若此，為欲度斯下劣人故，示是眾惡不淨土耳！譬如諸天，共寶器食，隨其福德，飯色有異。如是，舍利弗！若人心淨，便見此土功德莊嚴。」」(T14, p. 538, c15-29)

p. 142 L. 4【淄澗】「淄」：卍，水名。即今山東省的淄河。「澗」：尸厶ノ，古水名。源出今山東省淄博市東北，西北流至博興縣東南入時水，此下時水亦通稱澗水。「淄澗」：淄水和澗水的並稱，皆在今山東省。相傳二水味各不同，混合之則難以辨別。－《漢語大詞典》

p. 142 L. -5【一切能滿足】太虛《往生淨土論講要》：「由阿彌陀佛之本願力故，所有一切願樂，皆能滿足成就。不僅生活上之願求能令滿足，…四弘誓願，皆能圓滿成就。」印順《往生淨土論講記》：「此句為最要。以其充分表現阿彌陀佛自利利他功德圓滿也。」《首楞嚴經》卷 6〈觀世音耳根圓通〉：「我得佛心，證於究竟，能以珍寶種種供養十方如來，傍及法界六道眾生，求妻得

妻、求子得子、求三昧得三昧、求長壽得長壽，如是乃至求大涅槃得大涅槃。」(T19, p. 129, c20-24) 圓初住菩薩已有此功德，何況圓滿成就之世尊！

p. 142 L. -3&-2【供佛、自在】三十七、衣食自至願。三十八、應念受供願：我作佛時，生我國者，所須飲食、衣服、種種供具，隨意即至，無不滿願。十方諸佛，應念受其供養。若不爾者，不取正覺。三十五、一生補處願。三十六、教化隨意願：我作佛時，所有眾生，生我國者，究竟必至一生補處。除其本願，為眾生故，被弘誓鎧，教化一切有情，皆發信心，修菩提行，行普賢道。雖生他方世界，永離惡趣。或樂說法，或樂聽法，或現神足，隨意修習，無不圓滿。

p. 143 L. 5【芥子納須彌】「十玄門」之「廣狹自在無礙門」：大海入一毛孔，須彌入一芥中；狹既容廣，廣能入狹。《文殊師利所說不思議佛境界經》卷 1：文殊師利神通變化之力—「以如恒河沙等諸佛國土，所有大海置一毛孔，而令其中眾生不覺不知、無所觸燒。又以如恒河沙等諸佛國土，所有須彌山王，以彼眾山內於一山，復以此山內於芥子，而令住彼山上一切諸天，不覺不知，亦無所燒。」(T12, p. 111, a16-21)

p. 144 L. 1【第一義諦者。佛因緣法。此諦是境義】【第一義諦】「世俗諦」之對稱，即最殊勝之第一真理。各宗派對第一義諦所下之定義不盡相同，就大乘而言，則主要藉真諦與俗諦二者調和世間與出世間之對立，將此二諦聯繫起來觀察現象，稱為中觀、中道，為大乘最基本的原則之一。若相對於世俗諦而顯第一義諦，則第一義諦為相對於「有」之「空」、相對於「差別」之「平等」、相對於「可說」之「不可說」、相對於「相待」之「絕待」。～《佛光大辭典》、《中華佛教百科全書》《十二門論》卷 1：「有二諦：一、世諦，二、第一義諦。因世諦得說第一義諦，若不因世諦，則不得說第一義諦；若不得第一義諦，則不得涅槃。若人不知二諦，則不知自利、他利、共利。如是若知世諦，則知第一義諦；知第一義諦，則知世諦。…諸佛因緣法，名為甚深第一義，是因緣法無自性，故我說是空。」(T30, p. 165, a23-b1) 法藏《十二門論宗致義記》卷 2：「明二諦相資。以不二而二故。…就佛所說因緣法為深。非汝二乘所說之者。又約佛智論因緣法。方得稱彼因緣之法。故云諸佛因緣法名甚深也。…又此因緣法。宜應正是俗諦。何故乃云是第一義？釋云。以無自性故。無性而說因緣。是故深也。問：前語外人。汝聞世諦謂是第一義。今論主亦云因緣則是第一義。而與彼何異？答：外人謂因緣之事是第一義。論主以因緣之理為真諦。又論主意。凡佛說因緣世諦法。意欲令知無性以悟真諦。非謂存此因緣之法。故上云

因世諦知第一義。故地論中。隨順觀世諦則入第一義諦。此之謂也。」(T42, p. 227, c20-p. 228, a7)

p. 144 L. 4【云何起次】性梵《往生論註講義》：「如上所觀安樂國土，共有十七種莊嚴功德成就，是有其觀行境界生起總別的必然次第。約觀彼國器世間清淨相來說，那是以「觀彼世界相，勝過三界道」為總相，以後分別有十六種莊嚴是別相。如約觀器及衆生世間二十九種莊嚴功德來說，那是以偈頌開始（建章）說：「歸命…願生安樂國」為總相，以下的二十九種，都是依總而生起的別相。這種總別生起次第，我們應當知道。」

p. 144 L. -3【無生之生】道綽《安樂集》卷1：「又問曰：「諸大乘經、論皆言：『一切眾生畢竟無生，猶若虛空。』云何天親、龍樹菩薩皆願往生也？」答曰：「言眾生畢竟無生如虛空者，有二種義：一者、如凡夫人所見，實眾生、實生死等；若據菩薩往生，畢竟如虛空、如兔角。二者、今言生者，是因緣生；因緣生故，即是假名生；假名生故，即是無生。不違大道理也。非如凡夫謂有實眾生、實生死也。」又問曰：「夫生為有本，乃是眾累之元。若知此過，捨生求無生者，可有脫期。今既勸生淨土，即是棄生求生，生何可盡？」答曰：「然彼淨土乃是阿彌陀如來清淨本願無生之生，非如三有眾生愛染、虛妄執著生也。何以故？夫法性清淨，畢竟無生，而言生者，得生者之情耳。」(T47, p. 11, b29-c14)

p. 144 L. -1【生苟無生，生何所盡】一切法皆因緣生，即是無生，既是無生，哪還有什麼生法可得而滅盡呢？若尚有生可盡，存盡生取證者（**滅盡取證者**），則向上失去佛與大菩薩之無身之身，向下沉醉於三空之痼疾（如二乘焦芽敗種）。

p. 145 L. 1【醕】音冂一弓ㄨ。與酒同。沈於酒也。【痼疾】久病也。【正韻】久固之疾。～《康熙字典》

p. 144 L. -1～p. 145 L. 1【盡夫生者】《梵網經菩薩戒注》卷3：「**滅盡取證者**，亦非下種處。定性二乘，樂入無餘，取諸寂滅。此等無性，不堪聞是戒法，故非下種也。」(X38, p. 593, b19-22)《大悲經》卷4〈12 以諸譬喻付囑正法品〉：「阿難！若漏盡阿羅漢比丘證無為故，不能為他分別顯說，是人不能益如來導師，亦不護持我之正法。是故，我今付囑汝法。何以故？阿難！譬如有人於大黑闇，執持草炬，還歸舍宅，復有多人欲度黑闇。其執炬者依此草炬得度黑闇，到已舍宅，到已除滅而不與他。阿難！於意云何？是人既知草炬未盡，及知大眾皆欲度闇，自用此炬而不與他，可名正作為好不也？」阿難言：「不也，婆伽婆！不也，修伽陀！」佛言：「如是如是。阿難！若有比丘得阿羅漢果、證無為法已，亦知大眾度生死闇，而不為他分別顯說我阿僧祇劫所習法寶，

令得增廣，是人不知利益導師、不知攝受我之正法。是故，阿難！我今以此億那由他阿僧祇劫所習法寶付囑於汝，乃至堅持為他廣說，勿令斷絕如是真道，莫作末後滅法人也。」(T12, p. 967, a8-23) 《維摩詰所說經》卷 2 〈5 文殊師利問疾品〉：「文殊師利言…以要言之，六十二見及一切煩惱，皆是佛種。…若見無為入正位者，不能復發阿耨多羅三藐三菩提心；譬如高原陸地，不生蓮華，卑濕淤泥乃生此華；如是見無為法入正位者，終不復能生於佛法；煩惱泥中，乃有眾生起佛法耳！又如殖種於空，終不得生！糞壤之地，乃能滋茂。如是入無為正位者，不生佛法；起於我見如須彌山，猶能發于阿耨多羅三藐三菩提心，生佛法矣！」(T14, p. 549, a29-b12) 【三空不空】小乘之法門，知三解脫門之空理，不知第一義空不空之理，謂之三空不空。～《佛學大辭典》

p. 145 L. 2 【號振三千】《維摩詰所說經》卷 2 〈6 不思議品〉：「是時大迦葉聞說菩薩不可思議解脫法門，歎未曾有，謂舍利弗：「譬如有人，於盲者前現眾色像，非彼所見；一切聲聞聞是不可思議解脫法門，不能解了，為若此也！智者聞是，其誰不發阿耨多羅三藐三菩提心？我等何為永絕其根，於此大乘，已如敗種！一切聲聞聞是不可思議解脫法門，皆應號泣，聲震三千大千世界；一切菩薩應大欣慶，頂受此法。若有菩薩信解不可思議解脫法門者，一切魔眾無如之何。」大迦葉說是語時，三萬二千天子皆發阿耨多羅三藐三菩提心。」(T14, p. 547, a3-14)

p. 145 L. 3~p. 147 L. 1 【十七句次第】初句『清淨』1 是總相，有十六種莊嚴功德成就相故。(如虛空)量功德 2→(本)性功德 3→(相)形相功德 4→(體)種種事功德 5→(色)妙色功德 6→(觸)觸功德 7→(眼觸)三種功德 8→(鼻觸)兩功德 9→(離染)光明功德 10→(聲名遠近)妙聲功德 11→(增上)主功德 12→(主之屬)眷屬功德 13→(受用)受用功德 14→(無難)無諸難功德 15→(無難之故)大義門功德 16→(滿足否)一切所求滿足功德 17。

p. 148 L. 2 【見生無生】《教相樞要鈔》卷 2：「言見生者。見實有義。亦是執義。以實有見執生極樂。故云見生。見生之火等者。譬如冰上燒火。火猛冰解。冰解火滅。故見生火自然滅時。混同無生智水也。」(D30, p. 92, b4-8) 《阿彌陀經疏鈔演義》卷 1：「法本無生。眾生迷昧。於無生中。妄見生滅。受大苦惱。縱欲滅生歸無。其生轉熾。今乃巧示往生。實悟無生故。悟無生有二：或於此土。理一心成。即悟無生。或往生之後。見佛聞法。乃悟無生。」(X22, p. 716, c15-18)